

ad bene interpretandum N. T. valere, quam alios graecos libros omnes. In antiquitatibus autem videndum est, ne eas alieno loco obtrudamus scriptoribus diuinis, et inde exprimamus sensus alienos: tum ne fingamus ritus et mores antiquos e verbis male intellectis, cuius generis ipsius exempla in libellis Philologicis reperiuntur; nec modo his, qui ad Nou. Test. pertinent, sed etiam, qui ad ceteros scriptores graecos et latinos. Nam illud supra iam monuimus, hanc omnem scientiam certam et accuratam, hoc est, e fontibus ipsis recte ductam esse debere. Hae literae leuiter tactae ineptos faciunt et nocent, penitus et accurate perceptae modo profunt.

III. Ne partem aliquam historiae veteris praetermississe videamur, etiam philosophica attingenda est, cuius in N. T. libris interpretandis usum proprio libello demonstrauit *Walchius*, Theologus Ienensis Clar. Sed in hac re magna cautione opus est. Atque illud quidem parum est, quod Stoicorum et Epicureorum Atheniensium mentio est in Actis Apost. propter quem locum non est admodum necessarium, dogmata vtriusque sectae nosse. Nec philosophiam, quae a Paulo aliquot locis commemoratur, huc pertinere, ante dictum est. In epistolis Paullinis autem vestigia philosophiae cuiusdam orientalis, e qua Gnostici hauserint, deprehendi, sunt, qui existiment. Itaque ex